

STATUT

Na osnovu člana 12. 3 Zakona o opštim izborima u Republici Kosovo, i člana 12. Pravila br. 01/2008 o registraciji i radu političkih partija na Redovnoj Izornoj Skupštini Stranke održanoj u Prizrenu dana 07.02. 2009. godine, u prisustvu 250 članova i gostiju Skupština je usvojila **Statut** Nove Demokratske Stranke "

I OSNOVNE ODREDBE

Član 1.

Statutom " Nove Demokratske Stranke ", u daljem tekstu *stranka*, uređuje se organizacija, ciljevi, načela organiziranja i djelovanja stranke, prava i dužnosti članova, kao i druga pitanja od značaja za stranku.

Član 2.

Naziv, sjedište, pečat i znak

Ime stranke je : " Nova Demokratska Stranka " (u daljem tekstu (Stranka)

Skraćeni naziv je NDS

Sjedište Stranke je u Prizrenu, u Ul. Ćazim Beriša – Baždarana br. 2

Pečat stranke je okruglog oblika, priječnika 3 cm, u čijem se središtu nalazi tekst: " Nova Demokratska Stranka", napisan u krugu slijeva na desno oko skraćenicu " NDS" u pravcu kretanja kazaljke na satu, tekst "Kosovo" napisan je slijeva na desno suprotno od pravca kretanja kazaljke na satu i to u donjem dijelu, cjelokupni tekst je ispisan latiničnim pismom.

Znak stranke je u obliku dva pravougla trougla obrnuto spojena po hipotenuzi sa manjom katetom po horizontali i većom katetom po vertikali koji zajedno formiraju pravougaonik $ax b = 1 \times 1,5$, od kojih je donji žute boje a gornji plave boje. U plavom trouglu u gornjem dijelu stoji skraćenicu " NDS" žute boje veličine slova 14 b, pisano latinicom kosim pismom. U žutom trouglu u donjem dijelu riječi " Nova Demokratska Stranka" ispisana su latinicom kosim pismom plavom bojom veličine $1/20 b$, i to u tri reda: u prvom redu napisana je riječ Nova , u drugom redu riječ Demokratija, i u trećem redu riječ Stranka.

Član 3.

Stranka je organizacija čiji su ciljevi definirani u Programu Stranke.

Član 4.

Stranka djeluje na prostoru cijele Republike Kosovo, a u skladu sa zakonskim propisima i u inostranstvu.

U okviru Stranke postoji i omladinska organizacija. Ime omladinske organizacije je: **Sektor za omladinu (U daljem tekstu *sektor za mlade*)**. Sektor za mlade je dobrovoljna organizacija članova stranke mladih do 27. godina. Organizacija i djelovanje uređuje se Pravilnikom koga donosi Glavni odbor stranke na prijedlog Konferencije Sektora za mlade.

Član 5.

Svoj Program i ciljeve Stranka ostvaruje javnim aktivnostima, učešćem na izborima, vršenjem vlasti ili djelovanjem u opoziciji.

Član 6.

Stranka je pravno lice sa svim pravima i obavezama koje pripadaju pravnim licima. Stranku zastupa i predstavlja Predsjednik Stranke ili lice koje on ovlasti.

II OSNOVNI CILJEVI

Član 7.

Osnovni ciljevi Stranke su:

- Unapređivanje i maksimalna afirmacija ljudskih prava i sloboda
- Demokratizacija društva u svim sferama života
- Unapređivanje i maksimalna afirmacija socijalnih prava
- Ravnopravnost naroda i afirmacija prava **nacionalnih manjina** u skladu sa međunarodnim dokumentima
- Tržišna privreda i ravnopravnost svih oblika vlasništva

Član 8.

Svoje ciljeve predviđene Programom, Stranka će ostvarivati pridobivanjem birača i simpatizera i učešćem na izborima, a time i učešćem u organima vlasti.

Član 9.

Stranka će saradivati sa srodnim političkim organizacijama u ostvarivanju globalnih zajedničkih ciljeva u Republici Kosovo kao i sa organizacijama **naših građana** izvan zemlje a u skladu sa Zakonom.

Stranka može ući u koaliciju sa drugim političkim organizacijama o čemu odluku donosi Glavni odbor Stranke.

Odluke se donose dvotrećinskom većinom prisutnih članova na sjednici Glavnog odbora.

Član 10.

Stranka može saradivati i biti član međunarodnih udruženja čije djelovanje je u skladu sa njenim programskim načelima a nije u suprotnosti sa pozitivnim zakonskim propisima Republike Kosovo.

O učlanjivanju u međunarodna udruženja odlučuje Glavni odbor.

Za odluku o učlanjivanju u međunarodna udruženja mora da se izjasni dvije trećine prisutnih članova Glavnog odbora.

Član 11.

Djelovanje i rad Stranke je javan.

Javnost rada ostvaruje se redovnim obavještanjem članova i javnosti o svim bitnim pitanjima vezanim za rad Stranke.

Stranka može izdavati svoja glasila, biltene i publikacije.

Sredstva javnog informiranja mogu pratiti rad Stranke. Izuzetno Stranka može isključiti javnost iz svog rada o čemu organ Stranke prethodno donosi odluku.

III ČLANSTVO

Član 12.

Član Stranke može postati svaki punoljetan i poslovno sposoban građanin koji dobrovoljno prihvati Program i Statut Stranke i potpiše pristupnicu.

Član 13.

Član Stranke ima pravo da:

- . učestvuje u svim djelatnostima Stranke, u kreiranju i provođenju njene politike,
- . slobodno izražava mišljenja i daje prijedloge u vezi sa djelatnošću Stranke,
- . pomaže njen rad,
- . bira i bude biran u sve organe i tijela Stranke,
- . bude kandidovan na stranačkim listama u izborima za organe vlasti,

- . bude informiran o svim domenima djelovanja Stranke,
- . izjavi žalbu ili predstavku organima Stranke,
- . dobije pravnu pomoć od Stranke ukoliko bude izložen neprijatnostima, progonu ili šteti zbog legalnog i zakonom dozvoljenog obavljanja stranačkih poslova.

Član 14.

Član Stranke ima dužnost da:

- . se Ustavom i zakonom dozvoljenim sredstvima bori za ostvarivanje Programa i ciljeva Stranke,
- . plaća članarinu,
- . učestvuje u aktivnostima Stranke,
- . se zalaže za uspjeh Stranke na izborima,
- . čuva ugled Stranke,
- . poštuje odluke organa Stranke.

Član 15.

Članstvo u Stranci prestaje istupanjem ili isključenjem.

Član može biti isključen iz Stranke ako djeluje suprotno Programu, Statutu i donijetim odlukama organa Stranke.

Odluku o isključenju donosi Disciplinska komisija ili izuzetno ako se radi o čelnim ljudima Stranke Predsjedništvo na nivou Stranke.

Član ima pravo na žalbu protiv odluke Disciplinske komisije o isključenju u roku od 8 dana od dana donošenja odluke o isključenju.

Disciplinska komisija žalbu člana sa svim spisima predmeta dostavlja Glavnom odboru Stranke u roku od 7 dana od dana dobivanja žalbe.

Odluka Glavnog odbora Stranke, na osnovu odluke Disciplinske komisije, je konačna.

IV ORGANIZACIJA I ORGANI STRANKE

Član 16.

Organi Stranke su: Skupština, Glavni odbor, Predsjednik, Predsjedništvo, Savjetodavni odbor i Izvršni odbor.

Skupština Stranke

Član 17.

Skupštinu čine: članovi predsjedništva: predsjednici općinskih, mjesnih, regionalnih odbora; izabrani predstavnici općinskih ogranaka u srazmjerama koje utvrdi Glavni odbor: poslanici i funkcioneri, i koje odabere skupština, predsjednici, potpredsjednici regionalnih odbora, predsjednik i članovi izvršnog odbora, delegati omladinske organizacije, o čijem broju odlučuje Glavni odbor, predsjednica i potpredsjednica i članice Foruma žena, o čijem broju odlučuje Glavni odbor, predsjednik i potpredsjednik omladinske organizacije i članovi stalnog sastava Glavnog odbora

Skupština je najviši organ Stranke.

Skupština Stranke može biti redovna, vanredna, izborna i svečana.

Članovi Glavnog odbora učestvuju u radu Skupštine sa pravom glasa osim kada se odlučuje o njegovom izvještaju o radu.

Glavni odbor utvrđuje broj članova Stranke koji biraju predstavnike za Skupštinu, s tim da svaki ogranak mora imati najmanje jednog predstavnika.

Član 18.

Predsjednik Stranke saziva Skupštinu najmanje svakih trideset i šest mjeseci.

Predsjednik Stranke, prema ukazanoj potrebi, može sazvati vanrednu Skupštinu i prije utvrđenog roka.

Vanrednu Skupštinu saziva Glavni odbor po svojoj odluci, ili na zahtjev jedne trećine članstva. Rok za sazivanje vanredne skupštine na zahtjev jedne trećine članstva je najmanje 30 dana.

Član 19.

Skupština Stranke:

- . donosi, mijenja i dopunjuje Program i Statut Stranke,
- . razmatra i ocjenjuje aktivnost Stranke između zasjedanja Skupštine,
- . razmatra i ocjenjuje izvještaje o radu Glavnog odbora, Predsjedništva, Savjetodavnog i Izvršnog odbora i drugih organa Stranke,
- . razmatra, dopunjuje i odobrava aktivnost Predsjedništva Stranke,
- . određuje osnovne pravce djelovanja Stranke za naredni period,
- . donosi Poslovnik o radu Skupštine,

- . bira Glavni odbor, Izvršni odbor Predsjednika Stranke i Savjetodavni odbor Stranke,
- . donosi odluke o naknadama za rad stručnih službi, Predsjednika, zamjenika predsjednika, potpredsjednika i Generalnog sekretara Stranke.

Skupština punovažno radi ukoliko je na sjednici prisutna većina članova, a odluke se donose prostom većinom prisutnih članova Skupštine, ako ovim Statutom nije drugačije određeno.

Za izmjene i dopune Statuta potrebna je dvotrećinska većina.

Glavni odbor

Član 20.

Glavni odbor je najviši organ Stranke između dvije Skupštine.

Glavni odbor se sastoji od..... članova, koje bira Skupština Stranke.

Predsjednik Stranke i predsjednik omladinskog sektora , i predsjednici mjesnih i regionalnih odbora su po funkciji članovi Glavnog odbora Stranke. Predsjednik stranke po funkciji predsjedava sjednicama Glavnog odbora.

Mandat članova Glavnog odbora traje četiri godine.

U slučaju bolesti ili druge vrste spriječenosti uslijed čega bi neki članovi bili onemogućeni da učestvuju u radu Glavnog odbora, na prijedlog Predsjednika ili Predsjedništva, Glavni odbor može izvršiti kooptiranje novih članova do jedne trećine ukupnog broja članova Glavnog odbora.

Glavni odbor punovažno odlučuje kada je na sjednici prisutna većina od ukupnog broja članova, a odluke se donose većinom glasova prisutnih članova Glavnog odbora.

Član 21.

Glavni odbor:

- . sprovodi odluke i zaključke Skupštine,
- . utvrđuje stranačku politiku između dvije Skupštine,
- donosi odluke o osnivanju mjesnih i regionalnih odbora,
- . odlučuje o učešću Stranke na izborima,
- . utvrđuje kandidate za poslanike, odbornike i nosioce drugih funkcija vlasti,
- . utvrđuje članove Predsjedništva Stranke na prijedlog Predsjednika Stranke,
- . ima pravo predlaganja kandidata za organe Stranke koje bira Skupština i razmatra godišnji izvještaj o radu organa Stranke,

- . redovno razmatra i ocjenjuje rad predstavnika Stranke na svim nivoima vlasti,
- . donosi odluku o opozivu poslanika i drugih predstavnika Stranke u organima vlasti,
- . stara se o financiranju Stranke i prikupljanju članarine i donosi odluku o visini članarine,
- . donosi Poslovnik o svom radu,
- . donosi godišnji financijski plan Stranke,
- . razmatra i usvaja izvještaje o financijskom poslovanju Stranke,
- . tumači odredbe Statuta Stranke,
- . donosi po potrebi opšta pravna akta Stranke, osim onih koja su u nadležnosti Skupštine
- . vrši druge poslove koje mu naloži Skupština, osim onih koji su u njenoj nadležnosti

Članovi Glavnog odbora Stranke ne mogu istovremeno biti Članovi nižih organa Stranke. Izborom u Glavni odbor, izabranom članu prestaje članstvo u nižim organima Stranke.

Član 22.

Sjednice Glavnog odbora saziva Predsjednik Stranke, a u njegovom odsustvu Zamjenici predsjednika Stranke.

Sjednice Glavnog odbora se zakazuju po potrebi, a najmanje tri puta godišnje.

Na svojoj prvoj sjednici, odmah po izboru, Glavni odbor bira četiri potpredsjednika i Generalnog sekretara Stranke i utvrđuje sastav Predsjedništva Stranke.

Predsjednik Stranke obavezan je da sazove sjednicu Glavnog odbora kada to traži Predsjedništvo Stranke ili najmanje jedna trećina članstva Glavnog odbora.

Predsjednik Stranke

Član 23.

Predsjednik Stranke:

- . predstavlja i zastupa Stranku,
- . obezbjeđuje jedinstvo i cjelovito funkcioniranje Stranke, te izvršenje utvrđene stranačke politike,
- . predlaže Glavnom odboru kandidate za poslanike i nosioce drugih funkcija vlasti,
- . saziva Predsjedništvo Stranke i predsjedava njegovim sjednicama,
- imenuje do 1/3 članova Glavnog odbora
- . predlaže Glavnom odboru kandidate za članove Predsjedništva,

- . predlaže Glavnom odboru kandidate za četiri potpredsjednika i Generalnog sekretara Stranke.
- . saziva i predsjedava sjednicama Glavnog odbora
- . predsjednik Stranke priprema i predlaže Program Stranke,
- . saziva i otvara Skupštinu,
- . pokreće rješavanje političkih i drugih pitanja od važnosti za Stranku,
- . koordinira rad svih organa Stranke i brine se o provođenju njihovih odluka i zaključaka.

U slučaju izuzetnih okolnosti preduzima odgovarajuće mjere u cilju zaštite Stranke i programskih opredjeljenja.

Podnosi izvještaj o svom radu Glavnom odboru i Skupštini Stranke i obavlja druge poslove od interesa za Stranku.

Za svoj rad Predsjednik je odgovoran Skupštini koja ga može opozvati.

Član 24.

U slučaju odsustva Predsjednika Stranke njegove poslove obavlja Zamjenik predsjednika Stranke ili lice koje Predsjednik Stranke ovlasti u pisanoj formi.

Zamjenik predsjednika i potpredsjednici Stranke

Član 25.

Stranka ima jednog Zamjenika predsjednika Stranke i ----- potpredsjednika

čiji mandat traje četiri godine.

Zamjenika predsjednika Stranke i potpredsjednika bira Glavni odbor Stranke iz svog sastava, na prijedlog Predsjednika Stranke.

Izbor Zamjenika predsjednika Stranke i potpredsjednika se vrši javnim glasanjem prostom većinom.

Zamjenik predsjednika Stranke:

Član 26.

. u odsustvu Predsjednika ili po njegovom ovlaštenju predstavlja i zastupa Stranku, predsjedava sjednicama Glavnog odbora Stranke i Predsjedništva,

. u skladu sa odlukama Skupštine i Glavnog odbora i po ovlaštenju Predsjednika Stranke obavlja i druge dužnosti i poslove iz domena djelatnosti Stranke,

. za svoj rad odgovara Skupštini Stranke, Glavnom odboru i Predsjedniku Stranke.

Potpredsjednici Stranke:

Član 27.

. u skladu sa odlukama Skupštine i Glavnog odbora, i po ovlaštenju Predsjednika Stranke, obavlja i druge dužnosti i poslove iz domena djelatnosti Stranke,

. za svoj rad odgovara Skupštini Stranke, Glavnom odboru i Predsjedniku Stranke

. mogu biti nosioci resora iz organizaciono-konstitucione šeme NDS.

Član 28.

Ukoliko smatraju da Zamjenik predsjednika Stranke i potpredsjednici ne obavljaju uspješno svoje dužnosti, ponašaju se negativno ili postupaju suprotno Programu ili Statutu Stranke, članovi Glavnog odbora ili Predsjednik Stranke mogu pokrenuti postupak za njihov opoziv.

Prijedlog za opoziv mora biti argumentovan.

Odluku o opozivu Zamjenika predsjednika Stranke i potpredsjednika, Glavni odbor donosi većinom glasova ukupnog broja svojih članova.

Ukoliko Zamjenik predsjednika Stranke ili potpredsjednik Stranke podnese ostavku na svoju funkciju, Glavni odbor će, na prijedlog Predsjednika Stranke, iz svojih redova izabrati novog Zamjenika predsjednika Stranke ili potpredsjednika.

Generalni sekretar Stranke

Član 29.

Stranka ima svog Generalnog sekretara koga bira Glavni odbor iz svog sastava, na prijedlog Predsjednika Stranke i to javnim glasanjem prostom većinom.

Generalni sekretar Stranke organizuje i koordinira realizaciju odluka i zaključaka viših organa, prati i koordinira rad Opštinskih odbora, daje tumačenje donesenih odluka i zaključaka, obavještava redovno nadležne organe o realizaciji odluka, zaključaka i radom Općinskih i mjesnih odbora u pisanoj formi.

Generalni sekretar rukovodi administracijom stranke, potpisuje finansijska dokumenta stranke, odobrava otvaranje tekućih računa i izradu pečata organima lokalne organizacije stranke, obavlja i druge poslove koje mu glavni odbor i predsjedništvo daju u nadležnost.

Za svoj rad Generalni sekretar Stranke odgovara Glavnom odboru i Predsjedniku Stranke.

Razrješenje ili opoziv Generalnog sekretara Stranke vrši se na isti način kao i njegov izbor.

Član 30.

Glavni odbor Stranke ili trideset osnivača Stranke mogu predložiti Skupštini smjenjivanje Predsjednika Stranke ukoliko smatraju da on neuspješno vodi Stranku.

Prijedlog iz stava 1. ovog člana mora biti obrazložen i argumentovan.

Odluku o prijedlogu donosi Skupština dvotrećinskom većinom glasova.

Predsjedništvo

Član 31.

Izvršno - političko tijelo Stranke je Predsjedništvo koje broji 9 članova.

Predsjedništvo Stranke čine: Predsjednik, Zamjenik predsjednika Stranke, četiri potpredsjednika, generalni sekretar Stranke, **financijski direktor** i jedan član koga bira Glavni odbor iz svog sastava, na prijedlog Predsjednika Stranke.

Predsjednik Stranke saziva i predsjedava sjednicama Predsjedništva Stranke.

Članovi Predsjedništva preuzimaju zaduženja po pojedinim oblastima i odgovorni su za praćenje, predlaganje i realizaciju usvojene politike Stranke u toj oblasti.

Član 32.

. Predsjedništvo Stranke sprovodi utvrđenu politiku između dva zasjedanja Glavnog odbora i obavlja tekuće poslove i zadatke,

. Utvrđuje nacрте svih akata i odluka koje donosi Skupština i prijedloge akata koje donosi Glavni odbor Stranke u okviru svojih ovlašćenja,

. Priprema sjednice Glavnog odbora, utvrđuje prijedloge dnevnog reda za sjednice Glavnog odbora, koordinira rad ostalih organa i tijela Stranke,

. Prati rad nižih organa Stranke i odlučuje u skladu sa Statutom,

. Izvršava odluke i sprovodi stavove Skupštine i Glavnog odbora Stranke,

. Predlaže Glavnom odboru budžet Stranke i sprovodi ga,

. Stara se o stranačkoj imovini i raspolaže imovinom Stranke,

. U saradnji sa predstavnicima Stranke u organima vlasti organizuje izradu zakonskih projekata i o njima utvrđuje stranačke stavove,

. Organizuje izradu i drugih projekata od značaja za stranačku politiku i utvrđuje stranačke stavove po ovim pitanjima,

. Organizuje stručne službe Stranke i odlučuje o radnim odnosima u Stranci,

- . Izvršava i druge poslove i zadatke koje mu povjeri Glavni odbor,
- . Donosi Poslovnik o radu.

Član 33.

Predsjedništvo Stranke ima pravo razriješiti regionalni, izvršni općinski, odnosno mjesni odbor u cjelini kao i pojedine njihove članove, ako ocijeni da djeluju u suprotnosti sa Programom, Statutom i drugim odlukama organa Stranke i time ugrožavaju ugled ili nanose štetu Stranci.

Kada razriješi neki odbor u cjelini, Predsjedništvo će imenovati povjerenika ili povjereništvo, koje će voditi poslove razriješenog organa do novog izbora.

Kada ocijeni neophodnim zbog naročito teške situacije u nižim organima Stranke iz stava 1. ovog člana, Predsjedništvo Stranke može raspustiti sve organe Stranke tog nivoa i imenovati povjerenika odnosno povjereništvo.

Član 34.

Na prijedlog Predsjednika Stranke Glavni odbor će glasati o povjerenju pojedinih članova Predsjedništva.

Opozivom člana Predsjedništva na prijedlog Predsjednika stranke Glavni odbor će iz svog sastava izabrati novog člana Predsjedništva.

O daljem statusu opozvanog člana Predsjedništva odlučuje Glavni odbor.

Izvršni odbor

Član 35.

Izvršni odbor je izvršno-politički organ Glavnog odbora i predsjedništva

Izvršni odbor čine 10 članova .

Članovi izvršnog odbora su predsjednik, potpredsjednik i ostali članovi koje imenuje Skupština.

.Izvršni odbor kontrolira financijsko poslovanje svih organa Stranke;

. prati primjenu odredaba Statuta i ostvarivanje odluka organa Stranke;

. prati regularnost izbora u organima Stranke na svim nivoima, sumira, nalaže, donosi ocjene o njihovom radu i daje ih na razmatranje Predsjedništvu, Glavnom odboru i Skupštini Stranke;

- sprovodi odluke glavnog odbora i predsjedništva ,
- raspravlja o oblicima organizovanja u Stranci,

- prati i analizira i usklađuje rad organa stranke i organa lokalne samouprave i predlaže mjere,
 - donosi poslovnik o svom radu,
- . obavlja i druge poslove nadzora i kontrole po sopstvenoj inicijativi i na traženje Glavnog odbora, Predsjedništva ili Predsjednika Stranke.

Izvršni odbor punovažno radi kada su prisutni svi članovi odbora, a ocjene, prijedloge, stavove i zaključke donosi većinom glasova.

Članovi Izvršnog odbora Stranke ne mogu istovremeno biti članovi nižih organa Stranke. Izborom u Izvršni odbor, izabranom članu prestaje članstvo u nižim organima Stranke.

Član 36.

Forum žena

Forum žena je dobrovoljna organizacija koju čine žene članice stranke.

Forum žena bira predsjednicu Foruma, i Odbor Foruma koju čine najmanje 5. članica.

Forum žena bavi se položajem i pravima žena u društvu i ostvarivanjem prava žena u skladu sa evropskim standardima i konvencijama .

Organizacija i djelovanja Foruma žena uređuje se pravilnikom koji donosi Glavni odbor na prijedlog konferencije Foruma žena.

Disciplinska komisija

Član 37.

Disciplinska komisija rješava inicijative za odgovornost i opoziv članova, kao i druge slučajeve koji su mu dati u nadležnost Statutom ili drugim opštim aktom Stranke.

Sastoji se od predsjednika, zamjenika predsjednika i još dva člana . Radi u Vijeću od pet članova. Predsjednika i članove disciplinske komisije, za svaki slučaj, određuje Glavni odbor .

Disciplinska komisija NDS zasjedat će i odlučivati po Poslovniku o radu disciplinske komisije koji donosi Glavni odbor Stranke

Član 38.

Svaki organ Stranke može zasjedati i odlučivati kada je na sjednici prisutno više od polovine njegovih članova.

Odluke se donose većinom prisutnih članova, ako Statutom ili drugim opštim aktom nije drukčije

određeno.

Članovi neposredno viših predstavničkih organa Stranke (Glavni odbor, Izvršni odbor) učestvuju u radu neposredno nižih predstavničkih organa Stranke a ovi su ih o svojim zasjedanjima dužni redovno i blagovremeno obavještavati.

Članovi organa iz prethodnog stava dužni su organima i članstvu Stranke, sa područja iz kojega su izabrani, omogućiti uvid u svoj rad, informisati ih o radu i stavovima viših organa, te u njima podnositi inicijative i prijedloge koje će odražavati interese tog područja.

Kada organi Stranke zasjedaju u funkciji izbornog tijela, odluke se donose u skladu sa Pravilima izbornog postupka.

Svi organi Stranke i na svim nivoima donijet će poslovnike u kojima će, u skladu sa ovim Statutom, regulisati pravila svog rada.

Sektori i Stručne komisije Stranke

Član 39.

Stranka formira vanjsko-politički sektor i sektor za unutrašnju politiku, ekonomski sektor, pravni sektor, a po potrebi i druge sektore kao savjetodavna tijela za proučavanje i razmatranje pitanja iz tih oblasti i davanje mišljenja i preporuka organima Stranke.

Članove sektora i stručnih komisija, na prijedlog Predsjednika Stranke, imenuje Glavni odbor iz redova javnih i kulturnih radnika te istaknutih stručnjaka i privrednika.

Članovi sektora i stručnih komisija ne moraju biti članovi Stranke.

Stranka može formirati i savjetodavni odbor koji predstavlja organ stranke. Savjetodavni odbor ima _____članova Predsjednika savjetodavnog odbora i njegove članove imenuje Skupština.

Savjetodavni odbor razmatra idejna politička pitanja koja su o važnosti za definisanje strategije rada stranke, i za svoj rad odgovoran je Skupštini.

V TERITORIJALNA ORGANIZACIJA

Općinska organizacija Stranke

Član 40.

Stranka je osnovana na općinskom nivou.

U zavisnosti od potrebe i broja članstva može se organizovati više mjesnih ogranaka u okviru općina, kao i regionalni ogranci u okviru više općina na teritoriji Republike Kosova.

Mjesni ogranak stranke je oblik organizovanja stranke koji po pravilu obuhvata teritoriju jedne i više mjesnih zajednica ili jedno naseljeno mjesto.

Na području Republike mogu se osnovati regionalni ogranci .

Regionalni ogranak je oblik organizovanja stranke koja po pravilu obuhvata teritoriju jedne i više Općina na Kosovu.

Mjesni i regionalni ogranak Stranke osniva se odlukom Glavnog odbora Stranke.

Mjesni i regionalni ogranci stranke:

- okupljaju članstvo i staraju se o provođenju politike stranke na svom području,
- iniciraju politička pitanja prema općinskoj organizaciji,
- prikupljaju članarinu i vode evidenciju članstva,

Član 41.

Organi mjesnog i regionalnog ogranka

. Skupština članova mjesnog i regionalnog ogranka

mjesni – regionalni odbor

. Izvršni odbor mjesnog- regionalnog ogranka

Mjesni – regionalni ogranak Stranke može formirati u zavisnosti od potrebe razne stručne komisije i savjete o čemu odluku donosi Glavni odbor stranke .

Savjetodavni odbor

Član 42.

Skupština članova mjesnog – regionalnog ogranka:

- . razmatra i usvaja program rada,
- . razmatra financijski plan i izvještaj o radu organa mjesnog i regionalnog ogranka,
- . bira organe na nivou mjesnog- regionalnog ogranka.

Podnosi izvještaj o svom radu glavnom odboru stranke

Član 43.

Mjesni- regionalni odbori ogranka čine svi članovi Izvršnog odbora mjesnog ogranka , predsjednik mjesnih odbora i predsjednik omladinskog centra.

Član 44.

Mjesni i regionalni odbori ogranka:

- . razmatraju društveno-političke prilike na svom području,
- . utvrđuje smjernice za rad organa, ogranka između dva zasjedanja Skupštine članova mjesnog i regionalnog ogranka,
- .predlaže Glavnom odboru Stranke kandidate iz mjesnog regionalnog ogranka za izbor u više organe Stranke i organe vlasti.

Član 45.

Skupština mjesnog regionalnog ogranka bira Izvršne organe Stranke od **8 do 14** članova, kao i Predsjednika mjesnog i regionalnog ogranka tajnim glasanjem između više kandidata. Na prijedlog Predsjednika mjesnog i regionalnog ogranka Izvršni odbor ogranka bira potpredsjednika, sekretara i blagajnika iz svog sastava. Predsjednik mjesnog i regionalnog ogranka je po funkciji predsjednik Glavnog i Izvršnog odbora mjesnog i regionalnog ogranka.

Član 46.

Izvršni odbor mjesnog i regionalnog ogranka:

- . uspostavlja organizaciju rada Stranke na mjesnom i regionalnom nivou,

- . koordinira rad mjesnih odbora na nivou opštinskog ogranka po sistemu subordinacije u korelaciji sa organima Stranke sprovodi ukupnu usvojenu programsku politiku,
- . preko svojih organa i članstva sprovodi u djelo odluke viših organa Stranke,
- . predlaže višim organima kadrovska i programska rješenja iz nadležnosti ogranka,
- . sprovodi u djelo usvojeni Program rada Skupštine opštinskog ogranka i odluke Glavnog odbora opštinskog ogranka,
- . podnosi Predsjedništvu Stranke izvještaj o rezultatima svoga rada i sprovedenih odluka viših organa Stranke,
- . pokreće aktivnosti u cilju pridobivanja novih članova i povjerenja građanstva,
- . pridobija i priprema stručne kadrove za osvajanje vlasti koji će provoditi politiku Stranke,
- . organizuje redovno i blagovremeno informisanje članstva,
- . osniva mjesne odbore i koordinira njihov rad,
- . organizuje prikupljanje članarine i dobrovoljnih priloga,
- . priprema i organizuje stranačke manifestacije,
- . organizuje marketinšku djelatnost,
- . vodi aktivnosti zaštite životne sredine i humanitarne akcije,
- . uspostavlja saradnju sa drugim demokratskim strankama i kulturno-prosvjetnim, humanitarnim i drugim organizacijama na svom nivou u skladu sa politikom i Programom Stranke,
- . obavlja i druge poslove u skladu sa Programom i Statutom Stranke.

VI KLUBOVI

Klubovi poslanika

Član 47.

U Skupštini republike izabrani poslanici Stranke formiraju Klub poslanika Stranke. Predsjednika Kluba poslanika biraju poslanici između sebe na prijedlog Predsjedništva Stranke. U Klubu poslanika Stranke poslanici razmatraju sva pitanja koja su na dnevnom redu Skupštine radi zauzimanja zajedničkog stava i dogovaraju se o svim aktivnostima koje će preduzimati u Skupštini u skladu sa Programom, odlukama i stavovima Stranke.

Odbornički Klubovi

član 47.

U skupštinama općina izabrani odbornici Stranke formiraju klubove odbornika Stranke gdje se dogovaraju o svojim aktivnostima i zauzimaju zajedničke stavove o pitanjima koja su na dnevnom redu Skupštine opštine a u skladu sa Programom, odlukama i stavovima Stranke. Predsjednika kluba odbornika biraju odbornici između sebe na prijedlog Predsjedništva Stranke.

Klubovi članova Stranke

Član 48.

Stranka u okviru ogranaka formira klubove Stranke. Klubovi Stranke se formiraju radi okupljanja i druženja članova Stranke, razmjene mišljenja o

aktivnosti Stranke, praćenja TV, štampe, dnevne politike i sl.
Klub organizuje savjetovanja, predavanja i kurseve.
Klub ne može raditi po principu dobiti.

VII STRUČNE SLUŽBE STRANKE

Član 49.

Za obavljanje administrativnih, operativnih i materijalno-tehničkih poslova obrazuju se stručne službe Stranke(služba statistike, sekretarijat-arhive, računovodstva) u zavisnosti od potreba i mogućnosti Stranke o čemu odlučuje Predsjedništvo Stranke.

Član 50.

Stručnim službama upravlja sekretar Stranke ili lice koje ovlasti Predsjedništvo na prijedlog Predsjednika Stranke.

Član 51.

Organizacija i rad stručnih službi Stranke reguliše se posebnim pravilnikom koji donosi Glavni odbor Stranke.

VIII IZBORI I RAD ORGANA STRANKE

Član 52.

Izbori za sve organe Stranke provode se tajnim, pismenim glasanjem između više kandidata.

Član 53.

Svi kandidati za organe i funkcije u Stranci moraju da uživaju ugled u sredini gdje žive i rade, da su pokazali odanost programskim načelima Stranke.

Član 54.

Svi članovi organa Stranke i nosioci funkcije u Stranci ili organima vlasti odgovaraju za svoj rad nadležnim organima Stranke.

Član 55.

Svi organi Stranke dužni su raditi u skladu sa poslovnicima i drugim aktima koje usvoji Glavni odbor.

IX MATERIJALNO - FINACIJSKO POSLOVANJE

Član 56.

Stranka ostvaruje prihode od:

- . članarine,
- . dobrovoljnih priloga,
- . organizacije različitih priredaba,
- . doprinosa iz budžeta društveno političkih zajednica iz osnova privredne djelatnosti i
- . marketinških aktivnosti u skladu sa zakonom.

Član 57.

Financijsko poslovanje Stranke obavlja se putem blagajne i žiro-računa a u skladu sa zakonskim propisima.

Stranka ima samo jedan žiro-račun.

Ulaz i izlaz sredstava može se izvršiti samo na osnovu pismenog naloga snabdjevenog potpunom dokumentacijom, i svaka promjena u sredstvima mora biti odmah evidentirana u knjigovodstvu. Materijalno-financijsko poslovanje Stranke reguliše se posebnim pravilnikom koji donosi Glavni odbor.

Sredstva Stranke služe isključivo za potrebe njene aktivnosti i ona sa njima raspolaže u skladu sa pozitivnim propisima.

Naloge za raspolaganje sredstvima Stranke potpisuje Predsjednik Stranke, ili lice koje on ovlasti.

X IZMJENE I DOPUNE I DONOŠENJE STATUTA

Član 58.

Izmjene i dopune Statuta ili donošenje novog Statuta u nadležnosti je Skupštine Stranke.

Član 59.

Pravo podnošenja prijedloga za izmjenu ili dopunu Statuta imaju: općinski- mjesni regionalni, ogranci, Predsjedništvo, članovi Glavnog odbora i najmanje deset članova Skupštine.

Prijedlozi se moraju dostaviti Glavnom odboru Stranke najkasnije trideset dana prije početka Skupštine.

O svim prijedlozima za izmjenu i dopunu Statuta Glavni odbor zauzima stav koji dostavlja Skupštini najmanje deset dana prije njenog saziva.

Inicijativu za donošenje novog Statuta pokreće Glavni odbor i utvrđuje njegov prijedlog.

Prijedlog izmjena ili dopuna, odnosno teksta novog Statuta, Glavni odbor utvrđuje većinom glasova svih svojih članova i dostavlja ga članovima Skupštine najkasnije deset dana prije njenog saziva.

O izmjenama ili dopunama Statuta kao i o donošenju novog Statuta Skupština odlučuje dvotrećinskom većinom glasova svojih članova.

XI PRIJELAZNE I ZAVRŠNE ODREDBE

Član 60.

Stranka može prestati sa radom ako to odluči Skupština Stranke. Skupština može odlučivati o prestanku rada Stranke samo ako je na njoj prisutno dvije trećine članova, a odluku o prestanku rada Stranke može donijeti ako je za nju glasalo dvije trećine prisutnih članova Skupštine.

Član 61.

Odlukom o prestanku rada istodobno se rješava i o imovini Stranke koja se takvom odlukom može odrediti samo u korist neke od humanitarnih, kulturnih i vjerskih ustanova ili odgovarajućoj instituciji koja radi na zaštiti ljudskih prava i sloboda.

Član 62.

Ovaj Statut stupa na snagu danom donošenja.

P R E D S J E D N I K
Nove Demokratske Stranke
Emilija Redžepi
